




Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-04-41485/21
Sarajevo, 06.12.2021.godine

UNIVERZITET U SARAJEVU
N/R Rektora, Prof. dr. Škrijelj Rifata
Ul. Obala Kulina bana br. 7/II
71000 SARAJEVO



PREDMET: **Obavijest**, instrukcija/uputstvo o primjeni u rješavanju pojedinačnih zahtjeva u skladu sa Zakonom o posebnim pravima dobitnika ratnih priznanja i odlikovanja i članova njihovih porodica - d o s t a v l j a s e;

Poštovani,

Ovo Ministarstvo je zaprimilo Molbu za instrukciju u rješavaju pojedinačnih zahtjeva u skladu sa Zakonom o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH" br. 70/05, 61/06, 9/10 i 90/17) (u daljem tekstu Zakon), a u vezi sa oslobođanjem plaćanja troškova školovanja studenata koje spadaju u posebne kategorije shodno odredbi čl. 164. stav 9. Zakona o visokom obrazovanju Kantona Sarajevo ("Službene novine Kantona Sarajevo", br. 33/17, 35/20, 40/20 i 39/21) kojim je određeno da: "Univerzitet/organizaciona jedinica je obavezna oslobođiti plaćanja troškova školarine studente iz kategorije djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja i djece bez oba roditelja."

S obzirom na Vaš upit: "da li se Plaketa udruženja "Patriotska liga" može smatrati valjanim dokazom za oslobođanje plaćanja troškova školarine, a s obzirom da je čl. 9. Zakona određeno da uvjerenje na osnovu kojeg se ostvaruju prava iz Zakona izdaju sledeći organi uprave, i to:

1. Nadležna služba Predsjedništva Bosne i Hercegovine za ratna odlikovanja,
2. Federalno ministarstvo odbrane za dobitnike ratnih priznanja pripadnika Armije Republike Bosne i Hercegovine,
3. Federalno ministarstvo unutrašnjih poslova za dobitnike ratnih priznanja Ministarstva unutrašnjih poslova."

Obavještavamo Vas da su za izdavanje dokaza za utvrđivanje ratnih priznanja i odlikovanja nadležni organi uprave koji o tim činjenicama vode službenu evidenciju i to: 1) Služba Predsjedništva Bosne i Hercegovine za ratna odlikovanja; 2) Federalno ministarstvo odbrane FBiH



je nadležno za dobitnike ratnih priznanja pripadnika Armije Republike Bosne i Hercegovine i Hrvatskog vijeća odbrane; 3) Federalno ministarstvo unutrašnjih FBiH je nadležno za dobitnike ratnih priznanja Ministarstva unutrašnjih poslova, kako je to Zakonom određeno.

Drugo postavljeno pitanje je: "do koje godine života studenti iz kategorije porodice šehida i porodica poginulog, umrlog, nestalog branioca, ratnog vojnog invalida, dobitnika ratnih priznanja i odlikovanja ostvaruju prava po Zakonu, odnosno do koje godine života studenti iz "posebne kategorije" mogu biti oslobođeni plaćanja troškova školovanja?"

Odredbama čl. 20. stav 1. tačka 2. Zakona o pravima branilaca i članova njihovih porodica ("Sl. novine Federacije BiH", br. 33/04, 56/05, 70/07, 9/10 i 90/17) je određeno da: "Članovi porodice poginulog, umrlog, nestalog branioca imaju pravo na porodičnu invalidninu pod sljedećim uvjetima..... 2. djeca rođena u braku ili van braka, usvojenici i pastorčad do navršene 15. godine života, odnosno ako su na školovanju do kraja trajanja redovnog školovanja, a najkasnije do navršene 25. godine života, a ako su nesposobni za privređivanje –za vrijeme dok ta nesposobnost traje, pod uvjetom da je nesposobnost nastupila prije navršene 15. godine života, odnosno 25. godine života, ukoliko su bila na redovnom školovanju. Ako je školovanje prekinuto zbog bolesti ili službe u Oružanim snagama za vrijeme ratnog stanja, ova lica mogu se koristiti pravom na porodičnu invalidninu i za vrijeme bolovanja, odnosno službe u Oružanim snagama za vrijeme ratnog stanja i to do navršene 25. godine života, a poslije toga najviše još za onoliko vremena koliko su izgubili od redovnog školovanja, ako je redovno školovanje produženo prije navršene 25. godine života;

Članom 37. tačka 3. je određeno u kojem slučaju i kada prestaju prava gore navedenim licima, te je određeno: " licima iz člana 20. stav 1. tačka 2. kada navrše 15 godina života, odnosno 25 godina života, ako se nalaze na redovnom školovanju,"

Imajući u vidu sve gore navedeno studenti sa statusom djeteta poginulog, umrlog ili nestalog dobitnika ratnog priznanja i odlikovanja su oslobođeni plaćanja troškova školarine do 25 godine života, što se može utvrditi dokazom, odnosno uvjerenjem izdatim od strane Službe za boračko invalidsku zaštitu iz općine na kojoj je lice nastanjeno, na osnovu svoje službene evidencije.

S poštovanjem,

Obradila

Elmina Kabadaja, dipl. pravnik

Kontrolisao

mr. Osman Smajlović

MINISTAR

Dr. sc. Omer Osmanović

Dostaviti :

- Naslovu
- a/a



web: <http://mbp.ks.gov.ba>

e-mail: mbp@mbp.ks.gov.ba

Tel: + 387 (0) 33 562-012,

Fax: + 387 (0) 33 562-251

Sarajevo, Reisa Džemaludina Čauševića 1

